

那些子 / January 20, 2013 08:27PM

[視一切人猶如佛想，於諸眾生如父母想 ... 《佛說觀普賢菩薩行法經》](#)

◎ 視一切人猶如佛想，於諸眾生如父母想。

◎ 「時十方佛各伸右手摩行者頭，作如是言：『善哉善哉！善男子！汝誦讀大乘經故，十方諸佛說懺悔法。菩薩所行，不斷結使、不住使海。觀心無心，從顛倒想起，如此想心從妄想起；如空中風無依止處。如是法相，不生、不滅。何者是罪？何者是福？我心自空，罪福無主。一切法如是，無住、無壞。如是懺悔，觀心無心、法不住法中，諸法解脫，滅諦寂靜。如是想者，名大懺悔、名莊嚴懺悔、名無罪相懺悔、名破壞心識。行此懺悔者，身心清淨，不住法中——猶如流水——念念之中得見普賢菩薩及十方佛。』」時諸世尊以大悲光明為於行者說無相法，行者聞說第一義空，行者聞已心不驚怖，應時即入菩薩正位。」

◎

一切業障海，皆從妄想生，
若欲懺悔者，端坐念實相。
眾罪如霜露，慧日能消除，
是故應至心，懺悔六情根。

～ 《佛說觀普賢菩薩行法經》，宋元嘉年曇無蜜多於楊州譯 ([CBETA全文](#))

T09n0277_p0392c08(08) | 「空中復有微妙音聲出如是言：『汝今應當身心懺悔。身者，殺、
T09n0277_p0392c09(00) | 盜、姪；心者，念諸不善、造十惡業及五無間，
T09n0277_p0392c10(01) | 猶如猿猴、亦如羈膠處處貪著，
T09n0277_p0392c11(06) | 遍至一切六情根中。此六根業，枝條、華、
T09n0277_p0392c12(08) | 葉悉滿三界二十五有一切生處，亦能增長無明、老、死……十二苦事，
T09n0277_p0392c13(00) | 八邪、八難無不經中。
T09n0277_p0392c14(09) | 汝今應當懺悔如是惡不善業。』」爾時，行者聞此語已，問空中聲：
T09n0277_p0392c15(03) | 『我今何處行懺悔法？』「時空中聲即說是語：
T09n0277_p0392c16(04) | 『釋迦牟尼名毘盧遮那，遍一切處；
T09n0277_p0392c17(07) | 其佛住處名常寂光，常波羅蜜所攝成處、我波羅蜜所安立處、
T09n0277_p0392c18(00) | 淨波羅蜜滅有相處、
T09n0277_p0392c19(08) | 樂波羅蜜不住身心相處。不見有無諸法相處，如寂解脫，
T09n0277_p0392c20(02) | 乃至般若波羅蜜，是色常住法故。如是，
T09n0277_p0392c21(04) | 應當觀十方佛。』」時十方佛各伸右手摩行者頭，
T09n0277_p0392c22(03) | 作如是言：『善哉善哉！善男子！汝誦讀大乘經故，
T09n0277_p0392c23(01) | 十方諸佛說懺悔法。菩薩所行，不斷結使、
T09n0277_p0392c24(02) | 不住使海。觀心無心，從顛倒想起，
T09n0277_p0392c25(06) | 如此想心從妄想起；如空中風無依止處。如是法相，不生、
T09n0277_p0392c26(01) | 不滅。何者是罪？何者是福？我心自空，
T09n0277_p0392c27(03) | 罪福無主。一切法如是，無住、無壞。如是懺悔，
T09n0277_p0392c28(02) | 觀心無心、法不住法中，諸法解脫，滅諦寂靜。
T09n0277_p0392c29(01) | 如是想者，名大懺悔、名莊嚴懺悔、
T09n0277_p0393a01(05) | 名無罪相懺悔、名破壞心識。行此懺悔者，身心清淨，
T09n0277_p0393a02(01) | 不住法中——猶如流水——
T09n0277_p0393a03(10) | 念念之中得見普賢菩薩及十方佛。』
T09n0277_p0393a04(14) | 「時諸世尊以大悲光明為於行者說無相法，行者聞說第一義空，
T09n0277_p0393a05(05) | 行者聞已心不驚怖，應時即入菩薩正位。」佛告阿難：
T09n0277_p0393a06(03) | 「如是行者，名為懺悔。此懺悔者，十方諸佛、
T09n0277_p0393a07(02) | 諸大菩薩所懺悔法。」佛告阿難：「佛滅度後，
T09n0277_p0393a08(02) | 佛諸弟子若有懺悔惡不善業，
T09n0277_p0393a09(06) | 但當誦讀大乘經典。此方等經是諸佛眼，
T09n0277_p0393a10(07) | 諸佛因是得具五眼，佛三種身從方等生；是大法印，
T09n0277_p0393a11(03) | 印涅槃海，如此海中能生三種佛清淨身，
T09n0277_p0393a12(03) | 此三種身，人天福田應供中最。

T09n0277_p0393a13(07) 其有誦讀大方等典，當知此人具佛功德，諸惡永滅，從佛慧生。」
